

شرح كتاب الداء و الدواء (3)الشيخ محمد خيري | تزكية

#قد_أفلح_من_زكاها

محمد خيري

الحمد لله رب العالمين له الحمد الحسن والثناء الجميل وشهاده ان لا الله الا الله وحده لا شريك له واشهد ان محمدا عبده ورسوله وبعد فالطيب الله اوقاتكم بكل خير. واسأل الله سبحانه وتعالى ان يسددنا واياكم مما فيه نفع للقلوب والعقول - 00:00:00

واسأله ان يمن علينا بالاحداث بشفاء كل داء. ما زال الحديث حول الكتاب المبارك كتاب الرجل الموفق ابن القيم رحمة الله عليه كتاب الداء والدواء وهذا الكتاب هو كان جوابا للسؤال - 00:00:24

حول بلاء اقلق شابا فسأل الامام ابن القيم رحمة الله عليه عن هذا الداء وقيل انه داء التعلق وداء العشق المذموم. ابن القيم رحمة الله عليه كان مربى وفرق بين المعلم - 00:00:44

والمربي المعلم هو يشغل بالقاء المعلومة. اما المربي فهو يشغل بغير المعلومة والبحث عن اثر هذا الغرس في نفوس من يوجهمه ويرشدهم. في فرق كبير جدا بين انسان ومشغول انه يكبر عقلك - 00:01:03

على حساب قلبك وبين انسان يكبر العقل بما يتناسب مع ما في القلب. المربي يكون ده ادواره فنسأل الله سبحانه وتعالى ان يسددنا واياكم لكل خير. لكن ابن القيم مع الغير المعهود لم يجيب السؤال مباشرة - 00:01:23

يعني ما قالش السؤال اجابته واحد اتنين ثلاثة اربعة. ابن القيم وفقه الله انه يؤسس للبناء والوقاء قبل ان يرد ويجب العلاج. المتابع والمصبوغ بالوحى سعيد ان واحيا كتابا وسنة الخطاب اللي فيه. خطاب الاكثر علاجي ام وقائي بنائي. ما رأيكم؟ دام فضلي وفضله - 00:01:43

بنائي جميل. والقرآن لا شك ان في الاثنين لكن الحدود المكسف للبناء والوقاء. الهواء والغذاء والنوم هذه الامور وقائية بنائية للانسان ام علاجية؟ ده بناء وقائي. صح؟ لما يحصل له حاجة بيروح للطبيب - 00:02:13

فيبدأ يتعالج ليس كذلك يبدأ دور الطب دور علاجي لذلك انت كل يوم بتروح للدكتور ولا كل يوم والدتك واختك وزوجتك بيعملوا اكل وشرب لك. انت كل يوم بتاكل وتشرب. صح. لكن مش كل يوم بتاخذ الدواء. مش كل يوم - 00:02:33

رايح للدكتور مش كل يوم بندور على روشتة اليس كذلك؟ عالم الافكار وعالم الغرس في نفس الفكرة. استوعبوا النقطة دي لأن النقطة دي مهمة جدا جدا في تزكية النفس. تزكية الذات - 00:02:53

وتوجيهه الغير. اما تيجي تبني نفسك ترک جامد قوي وتفرق بين الوقائي والعلاجي. يعني في واحد كانت تعيانة بيقول انا مش هاكل ولا هاشرب ولا هنام ولا هاشم الهواء لغاية ما اتعالج. ايه رأيكم في الكلام ده؟ كلام غير صحيح. تمام؟ فيه - 00:03:09

الناس احيانا في عالم الافكار بتعمل كده. في ناس احيانا في التزكية للنفس بتعمل كده. يجي عنده مشكلة فيقول بقى انا مش هصلت انا مش هعمل اعمل كذا انا مش هعمل كذا لغاية ما حد يجاوبني على الاشكال بتاعي. حبيب قلبي انت عندك مشكلة. ابحس عن من يعالجها لكن لا تمنع البناء والوقاية - 00:03:29

خاء في تغذية نفسك. هذا اولا. المعنى الثاني الضروري اما بيجي لك واحد يسألك سؤال مش في دكتور انت تروح يكتشف ان ده اعرض وان ده مش مرض ويدأ يفتح وراك لغاية ما يحط ايده على المرض - 00:03:49

يا دكتور انا زوري وجاني انا عندي سخونية انا عندي كذا بيسى خالص اللي انت قلتة صح؟ وبيتعامل ان الحاجات دي مجرد حاجة

بتشاور على حاجة. في واحد تاني يعالج الاعراض. النقطة دي مهم جدا ادراها - 00:04:05

انك بتعالج العرض ولا بتعالج المرض ابن القيم او عموماً المربين والمؤفقيين اما بييجوا بيشتغلوا ازاي؟ لازم يتتبع اصل المرض. طبعاً ده ده توفيق وعلم انك تسمع احياناً سؤال يعني في واحدة تروح سائلة لك سؤال. السؤال ده جالي قريب اوي. وهو مشهور جداً. لكن شوفوا الصياغة كانت عاملة ازاي. ممكن حضرتك تقول - 00:04:19

للنبي لم يسمح لاي حد من بناته ان يتم الزواج عليها. ده سؤال صحيحة هو ظاهرها هو سؤال طبعاً مش هجاوب ابداً على السؤال ده جاوبت انا مرتبين قبل كده واطلت فيه يعني. لكن مش هجاوب دلوقتي بس انا عاوز اديكم مثال اهو لموضوع - 00:04:46
الاسئلة اللي انا بتكلم فيها. ده سؤال. اما اجي انا اشوف السؤال ده. السؤال ده قبل ما اجاوبه انا لازم اتأكد تماماً ان ما فييش ازمة تزهب بایمان من سأل هزا السؤال. شفتم - 00:05:08

الخطر فين؟ رقم واحد بقول له طيب هل هذا السؤال السائل هذا السؤال يستحضر ان رب الذي الذي شرع التعدد ربنا حكيمه علينا خبيراً ربا عدلاً ام رب ليس لديه الحكمة الكاملة وليس لديه الخبرة الكافية - 00:05:25
لهذا الانسان الذي خلقه ولا يدرك الحكمة من الكلام الذي قاله ولا يدرك وليس لديه علم كافي بهذا الامر وليس لديه رحمة بمن شرع له هذا الامر. او شرع عليه هذا الامر. انا لازم اقول له انت مدرك - 00:05:48

ان السؤال ده هيقول لك ايه علاقة ده بدء؟ ما فييش مشكلة بس زي ما الدكتور بيتأكد يقول لك طيب انت اما بتيجي بتنام بتحس بكرزا يقول لك لا - 00:06:08

طب انت لما بتيجي بتعمل بتلاقي كذا لا بس انا اتأكد بيقى رقم واحد السؤال ده يكون واضح عنده يبقى النقطة الاولى انا عاوز اتأكد هل انت يا ايها السائل مدرك ان الذي شرع يتصف بهذه الصفات ام لا؟ اه مدركها بعقولك وحاضرة في قلبك - 00:06:18
اه تمام السؤال الثاني هل هذا الحكيم الرحمن العليم الخبير؟ هل ارسل رسوله ليس لديه الكمال الكافي وارسل رسولاً ارتضاه ان يكون مبلغاً عنه. ظالماً وارسل رسولاً يعظمه في كتابه هذا الرسول لديه الانانية ام ارسل رسولاً اكتمل عقله الاكتمال البشري - 00:06:38
واكتملت رحمته واكتمل واكتمل واكتمل. خلاص؟ السؤال الثالث هل هذا النبي ابلي بأنه انانى. هذا النبي ملي عقله وقلبه هو ام لا. والكلام اللي تقوله لازم تقوله بعقولك وقلبك متقولوش بلسانك لأن اللسان ممكن يخالف الجنان ممكن اللسان يخالف ما كان في العقل والجنان ازا - 00:07:08

اذا كان هذا النبي هو مبعوث الحكيم الرحمن العليم الخبير. وهو قد اكتمل عقله واكتملت نيته الخالصة لربه. عندما انت تشويفه كده تيجي تسأل السؤال الرابع الكاشف هل هذا الذي اكتمل عقله ولا - 00:07:36

تنطق عن هو يرضي لنساء امة محمد. ولاشرف النساء امهات المؤمنين. ما لا يرضي اه لغيرهم ويتعامل مع اولاده تعامل الملوك الظالمين الذين يحابون اولادهم على حساب غيرهم. اصل بعض الناس يتعامل يقول لك ايه - 00:07:56
عملش كذا ورضي الكذا يعني هو رضي لعائشة ولحفصة وام سلمة ورضي لزوجة ابو بكر وزوجة عمر وزوجة كل ورد لجميع المسلمين وقبله ورضي ربه وقبله ورضي ربه عن هذا الكلام وهذا التشريع بقى يرضاه رب ويرضاه النبي - 00:08:20

بنات المسلمين ثم يقول اما انا فلا التزم بهذا الشرع ولا ارضاه. فهذا السؤال طريقة الصياغة بتاعتته محتاجة اصلاً انك تدخل حمام تزكية وانك تنضف لسانك وقلبك وعقلك من طريقة الصياغة - 00:08:40

ما يفعش تقول لي والله ما قصدي انا عارف انك مش قصدك لانك لو قصدك انت رحت في حنة تانية. لكن اما تيجي تتكلم على الجناب المحمدي لازم تقف انتباها - 00:09:00

واخددين بالكم لان ده في انها مبطن لرسول الله. واتهام مبطن لفاطمة بنت محمد وفي حد يقول لك عادي جداً ان هو دي بنته ويرفض. شفتم ما زال برضو فيه اشكال رهيب. فيه اشكال رهيب. يتعاملون مع النبي - 00:09:10
كمدرس في في الحارة لديهم او كمعلم في مدرستهم عادي جداً زيه زي اي واحد بيختلف على بناته وجماعات ايه المشكلة يعني لم يدركوا ما معنى رسول الله. ايه بقى الجواب؟ لا انا مش هجاوب دلوقتي لان انا جاوبت على الموضوع ده عشر مرات. فاسأل الله -

سبحانه وتعالى ان يسددنا واياكم. شوفوا يا جماعة لن تلقى الله لن تلقى الله بحسنة اشرف واسفل من حسنة التوحيد. ومن توحيدك الا تعقب على حكمه الوحيد اللي الذي لا اعقب على حكمه. هو ربى لا معقب لحكمه. الوحيد اللي ايه؟ اللي قلبي يسلم - 00:09:51
 التسليم التام بلا منازعة. ولا ادنى ادنى توقف. فالباب ده لما الانسان يدرك الموضوع ده استوعب ان العلماء اما بيجاوبوا على سؤال الفكرة مش انتاجية تجاوب على سؤال آله النبي صلى الله عليه وسلم رفض كذا والموضوع - 00:10:17
 سبحان الله! فلازم تتأكد ان في اشكالات ضخمة في هذا السؤال. وانا قلت قبل كده فاطمة اللي هي بنت من صلى الله عليه وسلم. وعلى نفسه عدد بعد كده. الحسن اللي هو من من ال بيت النبي صلى الله عليه وسلم. وابن النبي لانه ابن بنته. ومع - 00:10:37
 ذلك حسن كان يعدد احفاد فاطمة كلهم عددو اخوات فاطمة ما حدش منهم تحجج ولا نساء النبي صلى الله عليه وسلم تحجج قال مش معنى كذا ليه؟ لأنهم كانوا فاهمين المسألة كوييس قوي. ولا في حد تهجم من اه نساء التابعين ولا نساء الصحابة بالكلام -

00:10:57

الكلام ده امال السؤال ده جه امتى والشبهة دي جت امتى لسة جاي اول امبارح لسه جاي في الزمن اللي احنا فيه الزمن اللي بيذكر بعقل مستورد اوعوا تكونوا فاكرين ان الشبهة ديت لسه جایة النهاردة من ان حضرتك وانت قاعدة مع البيت كده الهمتي ايها. لا لا لا الحمد لله فطرتكم لا تسمح لهذا - 00:11:17

التلوس لكن هزا التلوس هو منتشر فانت استنشقته التلوس ده مش بتاعك والسؤال ده مش بتاعك. السؤال ده لو تتبعت ده مش بتاعك. انت سلفه من حد. فسأل الله سبحانه وتعالى ان يسددنا. اذا - 00:11:37
 هذا الموضوع انا بطرحه مثال لموضع اما يجيء حد يسألك سؤال لازم تتأكد. واحد ثاني يسألك هل يجوز الاستحمام باللبن؟ ام لا يجوز خاصة يا شيخ لو انا لغتشسل باللبن في الخلاء في الحمام يعني هغتشسل به في الصالة. ها يجوز ولا لا يجوز يا جماعة؟ ما رأيكم؟ لو واحد هيغتشسل باللبن - 00:11:52

في الصلاة. هل يجوز ام لا يجوز؟ لا يجوز. اهدار للنعمه اه انت ما ينفعش تجاوب يجوز ولا لا يجوز؟ انت لازم تسأل على دافع السؤال اصلا لان هي راحت للشيخ هدهد والشيخ هدهد قال لها ايه انت معمول لك عمل ولازم تغتسلي بلبن الابل - 00:12:12
 وتعلمي واحد واثنين وتلاتة واربعة. فانت بقى اما تيجي تجاوب على السؤال لازم ترجع وتشوف دوافع السؤال ده ايه. خلاص لان ده دجل وانت كاهنا او عرافا وده ممكن يضيع والعياز بالله دينها وهي مش واحدة بالها. لما تقلب بقى الموضوع فقهى وهذا طهور هل هو - 00:12:32

ظاهر طهور ام لا؟ هل هو يزيل النجاسات ام لا يزيل النجاسات؟ هل هو اهدار للنعمه ام ليس باهدار للنعمه؟ انت انت رحت لاجابة الفقهية اللي هي لازم تبقى اخر صفحة في الاجابة. مش اول صفحة في الاجابة. في اسئلة غريبة بقى كثير. المعنى ده - 00:12:52
 مهم قوي ان الانسان يكون مدركه زي اما يجي حد يقول انا اكتشفت ان انا زوجتي او انا زوجي بيعمل كذا يا شيخ انا زوجي تعمل كذا ما الحكم الشرعي وتتصحنى به؟ او اول نصيحة لازم انصحها اسهل كيف وصلت لهذه القناعة؟ جبت البينة دي منين - 00:13:12
 ايه البينة دي جبتيها منين؟ بتقول يعني الصراحة يعني يا شيخ انا كنت حاطة كاميلا في المكتب بتاعه. وكتبت بتتجسس عليه والكلام ده. واصلة انا وانا وانا انا ينفع بقى اجاوبها على تعمل ايه مع زوجها واسيب النقطة دي؟ لا طبعا. ليه؟ لأن ديت سواء بصي زوجها مش قاعد سواء - 00:13:32

فصلت اتصلت سواء اطلقت زوجها مات دي عقلية دي طريقة تفكير هتكلم مع ولادها كده هتكلم مع اخواتها كده هتكلم مع المجتمع ديت لازم قبل ما تجاوب تعمل ايه مع زوجها تنبهها كوييس قوي انت بتعمل ايه؟ وسبحان الله يا جماعة تتبع عورات - 00:13:53
 مسلمين ده ده زم ام ليس بذنب. سبحان الله! من عواقب هذا الذنب انك تكتشف شيء ينفص عليك معيشتك. في فرق بين حاجة طلعت لك كده هو في حاجة انت تتبعتها. وكل واحد بقى واحد فتوى بيته وبين نفسه ومفتى نفسه فتوى وبيبر لنفسه خلاص يعد للقبر - 00:14:13

جوابه عندما يسأل انت داخل قبرك وتقف بين ربك يوما من الايام عندما تسؤال اجب تقول له يا رب انا كنت شايف ان الطريقة ديت صححة وهو ده الصح اللي انا عملته - 00:14:33

خلاص الله يعینك طالما الجواب ده مناسب مع حضرتك. اذا التأكيد على ان الاسئلة لازم من ناحية التزكية ناخد بالنا كويس قوي ايه اللي وراء هذا الامر؟ انا هتكلم يا جماعة الله يكركم هتلاقي دلوقتي كل واحد بيأسأل اسئلة اللي بتبرر له - 00:14:48
الموقف طب يا شيخ لو لقيت مسلا ريحته حاطط عطر غريب يجوز لي؟ طب لو لقيت ان هو داخل بوردة ومبسوط وعمره ما عملها من يوم ما اتجوزت. اقلق وتتبع يجوز لي زي كل واحد دلوقتي قاعد بيفتني نفسه فتوى وبيدور على ايه؟ على مخرج. فنسأل الله العفو والعافية. ازا لما الواحد - 00:15:08

وقف مع نفسه وقفات لازم يدرك ان الغاية النبيلة لا تبرر الوسيلة القبيحة وان الغاية الطيبة الحال بر الوسيلة الحرام يعني ينفع واحدة بترفض قدام الناس عشان تاخذ فلوس تصرفها تصرف على مين على ايتام دي غاية نبيلة ولا مش غاية نبيلة - 00:15:28
اه لكن الوسيلة الواسية فاسدة حرام. يجي واحد يقول لك بس والله العظيم يا شيخ انت والله العظيم اقسم بالله لو تروح معها يوم الخميس وهي بتتلف على الايتام والله العظيم اقسم بالله لا يرق قلبك. ييرق قلبك انت مش قلبي انا. انت ليه مصمم ان قلبي انا لا يرق؟ الباب ده ادراكه مهم - 00:15:48

جدا بدون ما نحكم على حد بدون ما نفعص على حد وبدون ما نعمل حاجات كتير قوي. هو الموضوع بسيط خالص. فنسأل الله سبحانه وتعالى ان يسددنا واياكم. اللي ما كانش يعرف خلاص يتوب الى الله سبحانه وتعالى. ويستغفر الله سبحانه وتعالى. لكن اه انت عارفين يا جماعة - 00:16:08

يعني مسلا نظام الامن في الاسلام مسلا ما انت اما تيجي بتقول انك تقول احنا عازبين نعمل آآ دولة تطبق احكام آآ الله سبحانه وتعالى. عارف نظام الامن في تسلم زي مسلا ان في مجرمين في مكان ما ازاي ندخل عليهم او في عمل ريبة في مكان ما. تطيعوه ان الحطة ديت شاغلة الفقهاء - 00:16:28

كتير يحطوا ليها ضوابط كتير وازاي ان وده جهاز ايه جهاز من الدولة والدولة اللي معيناه ازاي يدخل يخترق ويتبني الخصوصيات ديت عشان يكتشف الخطأ انت لكم ان تخيلوا ان العلماء يقدعوا مع - 00:16:48

مع نفسهم ويتكلموا ازاي نكتشف الخطأ بدون ما نرتكب مخالفة شرعية ولا نتعدي على الخصوصيات تيجي اقرأ كده على طول تسجد لمن شرع هذا. وتقول اللهم لك الحمد على هذا الدين. وامتنى يدخل وامتنى ما يخشى - 00:17:06
طب ولو دخل ازاي ويقول ايه وما يقولش ايه سبحان الله. وايه وده وهو رايح يحاصر ان يحاول بقدر الامكان يمنع فساد شوفوا الشرع يقول له ايه هتتعامل مع الموضوع ده ازاي؟ فازا كان ده في امن البلاد - 00:17:26

فما بالك بقى بانسان فرد واحد؟ عشان كده يا جماعة دينا يبني المناعة اكثر ما يبني على المنع. وهو ده فكرة الوقاية بقى اللي احنا اتكلم عنها. اما تيجي تتكلم مع حد سيدنا ابن القيم عمل تعلم ايه؟ ركز جدا على الغذاء والوقاية. وبعد كده تبدأ تتكلم في العلاج - 00:17:46

لكن على طول ماشي روشنات روشنات الحياة مش هتمشي كده. انت مش هتعرف تمشي في الحياة بروشنات في الاكل روشنات في الطعام روشنات في الهواء مش هيمنفع لازم تشرب اولا البناء. وده الشرع اللي عمله. الشبهات والبدع والمعاصي والكلام ده. يعني مسلا الصدقة تعتبر - 00:18:06

البناء ولا العلاج؟ الصدقات. انك يكون دايما عندك صدقات. وانك دايما تنفق في سبيل الله والكلام ده. الاصل فيها ايه؟ الاصل ان هي بناء جميل ان احسنتم. احنا عندنا ان الاصل ان الشرع حسينا على النفقات. طيب اما بيجي واحد يقع في معصية نيجي ونقول له ايه؟ زود هنا بقى هنبدأ - 00:18:26

نقول له زود في الصدقات من ضمن العلاج. طب ايه علاقة ده؟ ما هو بصووا يا جماعة النبي صلى الله عليه وسلم بيقول لمعاذ الا ادلك على ابواب الخير قلت بلى يا رسول الله. قال الصوم جنة. يعني وقاية ثم قال والصدقة تطفئ الخطيئة كما يطفئ الماء النار -

كان عنده شهوة عالية جدا في شرب سجائر في حاجات متعلقة بنزد متعلقة بمشاعر قلبية بتعمل الحاجات ديت نقول له ايه؟ تصدق ليه لان في نار في الشهوة دي عاملة له نار. هذه النار تطفئ بماء وكذلك حرارة الشهوة - 00:19:06

تطفنهما الصدقة. اذا عم اكون انا مركز في الصدقات حتى لو كانت اه ثلاثة جنيه جنيه جنيه يوميا يوم ويوم الحاجات دي قاعدة بدرى بدري تطفي الحرارة اللي جوة فما استناش لغاية ما يبقى فيه حرقة في البيت اللي هو القلب يعني - 00:19:26
وابداً اقول ايه العلاج؟ ما انت لو شغال بناء هتلaci الحاجات دي بتطفى اول باول جميل. فابن القيم عمل ايه بقى في الكتاب؟ بدأ بالتأسيس سم العلاج. التأسيس اتكلمنا فيه المرة اللي فاتت قال له ان ما انزل الله داء الا والهدى - 00:19:46

وذكر ان افع الداوية الادعية ولكن ذكر ان الادعية ديت مفهوم الدعاء لان بعض الناس عنده الدعاء لأخلاص انا دعيت انتهى. لا هيدأ يكلمك بقى في مفهوم الدعاء. ان الدعاء ده بيعمل ايه؟ ان الدعاء نفسه عبادة زي ما انت بتتصدق - 00:20:03

تصدق وتصوم مت تذكر الله يعني زي ما انت تقول دلوقتي استغفر الله. استغفر الله استغفر الله سبحان الله وبحمده سبحان الله العظيم. دي الكلام اللي انا قلته من شوية دي دي عبادة عليها حسنات. صح؟ الدعاء في حد ذاته عبادة - 00:20:23

وبتاخد عليها حسنات. موضوع بقى تمت الاستجابة ام لم تم الاستجابة اللي انت تريدها؟ ده موضوع تاني. فلما تنطلق ان للدعاء عبادة كده كده عليها حسنات زي اي الاذكار زي حاجات كتير قوي انت بتعملها. شف من رحمة الله انك تقول له يا رب جوزني بسنت. وتاخد اجر. دي تبقى تاخد عليها - 00:20:40

عبادة يعني تاخد عليها طاعة ان كان فيها خير يعني عشان تبقى طاعة كوييس قوي يعني لان ممكن تبقى بسنت دي اللي تعزبك وتوديك النار. انك تقول له يا رب يسر لي الشهادة - 00:21:00

بتاعة دبلومة كزا ويسري يا رب ان الحواجز تنزل. شوفوا ده كلام عادي جدا من رحمة ربكم اللي انت تطلبها يحاسبك عليها حسنات ويعطيك مكانها. شف بقى عرفت ان الدعاء ده اللي داخل فيه كسبان كسبان فانت من البداية خدت. شف اما الدولة تقدم - 00:21:10

ما حاجات على الاراضي مسلا تقول لك ان في اراضي اللي عاوز يقدم. مجرد ما اسمك تكتب اسمك يقول لك انت كده كده هتاخد ارض. حته بقى تاخدتها في ولا في الرحاب ولا في مدینتي ولا في كفر عطا الله ده اللي هتشوف بقى. لكن كده كده خلاص اسمك انت خدت. فاسأل الله سبحانه - 00:21:34

وتعالى ان يسددنا فيبقى تكلمك عن الدعاء وبعدين تكلمك بقى عن مفهوم اصلا العطایا. انت هتاخد ايه؟ يعني انت كده كده هتاخد اتكلمنا في الموضوع قبل كده بس انا بحاول الخص لان عاوز ادخل على موضوع اعمق من اللي ابن القيم اتكلم فيه. اه طب الدعاء هناخد منه ايه؟ حاجة من الثلاثة. اما - 00:21:54

تاخد جواب معجل انت طلبت ان ربنا يزوجك بسنت ان كان فيها خير ورزقت يا سيدى بسنت واتبسطت بقى خدت الجواب المعجل او اي يرفع عنك بلاء منزل كت هتنزل النهاردة وانت رايح الشغل رجالك تتنى تحت منك تاخد الایه السلم كله على راسك و كنت راسك تفتح ولا حاجة. فلما قلت يا رب - 00:22:14

بيجوزني بسنت ان كان فيها خير؟ لا مش هتاخد بسنت بس هنمنع لك ايه؟ البلاء ده. بقى دي النقطة الثانية. طب النقطة الثالثة يدخل لك اجر مؤجل بقى تاخد واحدة من الثلاثة دول. وانا قلت الكلام ده قبل كده لو في واحد من حضراتكم طالب من والده انا عاوز مية جنيه. دلوقتى - 00:22:39

في ايه هو الطلب؟ ميت جنيه صح؟ مية جنيه ديت واضحة. طالب فلوس مية جنيه. والده لو ادى له مية جنيه بقى اجاب الطلب ولا ما اجا بش الطلب اجاب الطلب؟ طيب لو والده قال له انا مش هديك ميت جنيه بس انت عارف انك عليك قضية القضية ديت هيتحكم فيها يوم سبعتاشر - 00:22:59

اه لانك انت كعليك دين الدين ده بسبعة وستين الف ريال. انا سأسقط عنك هذا الدين وسأرضي اصحابه. بقى رد فعل الوالد دلوقتى.

انت بتنظر له ازاي؟ ان هو ما ادانيش وهي عمال تعيط وتدخل على مامتك وانا - 00:23:20

ما حدش حاسس بي قاعد عمال اعيط له. واقول له عاوز مية جنيه يا حاج والله العزيم ما تركته حتى قبلت صابع رجله الصغير. وفي الآخر يقول لي ايه هشيل عنك السبعة وستين الف ريال اللي بعد شهر ونص. شوفي - 00:23:40

انت مش عارفة انت اتجوزتي الرجال ده ازاي يا امي؟ ينفع حد يعمل كده؟ ما ينفعش. طب بقى قال له انا عاوز مية جنيه. قال له مش هديك مية جنيه. ولكن انت عارف - 00:23:56

الفيلا الجديدة بتاعتنا اللي في مدینتي هديك الدور الاخير بالروح هدية مني لك. اول ما نقل لمدينة السنة الجاية. ويدخل برضو يعيط بدنو ايه؟ زعلان ومش عارف ايه الكلام ده كله. ينفع؟ يبقى زعلان؟ يقول لك مش اداني مية جنيه - 00:24:06

بقى واحد لما يجي يقول له يا بختك يا عم انك لقيت اب مجرد ما قلت له انا عاوز مية جنيه اداك واحدة من التلاتة دول. يا ابني ده انت كسبان على طول الخط. والله - 00:24:26

انت معك رب يفعل معك الاف بل ملايين بل مليارات ضعف ما يفعلها هذا الاب. الرب سبحانه وتعالى اما ان يعطيك الجواب المعجل واما ان يردد عنك بلاء منزل واما ان يؤجل لك اجر مؤجل - 00:24:36

تيجي يوم القيمة تفاجى ان في مشكلة ضخمة جدا في صحيفتك. صحيفتك او صحيفتك. وتيجي تشفو المصيبة ديت مازا ستقول لله فيها في صحيفتك عما سأله وتبقى شايف النار مسيرة قدام عينك - 00:24:55

وتقول يقينا اني هالك. فيجي يقول لك ايه؟ فاكربسنت اللي انت قلت اللهم زوجني بسنت يا رب ونفسى فيها ان كان فيها خير لم نعطك هذا ولكن لاجل لم نعطيك هذا الدعاء - 00:25:13

سنذيل عنك هذا الذنب وكأنه غير موجود. فلا تجد في صحيفتك عفونا عنك بتقول له ايه؟ ساعتها طب يا رب طب يا ريت برضو ما كنتش اه يعني يا رب ما كنتش استجبت لي - 00:25:30

ان انا اتجوز ام احمد بالمرة بقى. سبحان الله! طبعا انا بس باحاب ابسط المعلومة لان الانسان عما يدرك ان مفهوم الدعاء والله ما هيوقف. خالص على طول يبقى ده قيم اتكلم بقى لكن راح خوفنا من بعض الافات اللي تمنع قبول الدعاء فيبيقول ايه ومن الافات التي تمنع ترتب - 00:25:49

الدعاء عليه ان يستعجل العبد. فاكرين الاخ الطيب اللي كان قاعد عمال يعيط لمامته ده ويقول لها اقول له هات مية جنيه ويقول لي لا يستعجل ويستبطئ الاجابة فيتحسر ويدع الدعاء. نقول طيب والله العظيم طالما ما اداني المية جنيه اقسم بالله ما انا عينتني داخل عليه - 00:26:12

ولا قايل يا ابي هات حاجة تاني ويدع الدعاء يترك الدعاء وهو من بمنزلة ابن قيم بيقول لك ده واحد شبه مين؟ من بذر بذرا واحد جاب بزرة كده ورمها او غرس غرسا فجعل يتعاهده ويستقيه. جاب فسيلة كده وهو قاعد يسقيها يسقيها ويجيب ايه - 00:26:32
يعرضها للشمس ويجيب مية وبتاع فبدأت تكبر فلما استبطأ الكمال والا دراك يقول امتى تكبر كده واحد وراها سيلفي واهزها كده ويتنازل على رطبا جنية. يقول فلما استبطأ الكمال هو ادراكه تركه واهمل. قال طب والله ما انا لك مركز تاني في الموضوع ده. وفي صحيح البخاري - 00:26:52

من حديث ابي هريرة رضي الله عنه ان النبي صلى الله عليه وسلم قال يستجاب لاحدكم ما لم يعجل. يقول دعوت فلم يستجيب لي. تعرفوا حد قال الجملة ديت غيركم؟ طبعا غيركم ديت انا اقصد انا وبعض الناس السامعين. لكن في مجموعة من الناس ما بيعملوش كده فاحنا ما نقصدهمش - 00:27:12

من الحاجات اللي اتكلم فيها ابن القيم حضور القلب مع الدعاء ده مهم قوي. خلي بالكوا وهو بيتكلم بيجاوب مين؟ هو بياسس بياسس لمين يا صاحب السؤال سبحان الله! شوفوا عشان الصدق السائل ده كان صادق. ايه الاجابة راحت فين؟ بقى كتاب لكل الصادقين - 00:27:32

اللي عاوزين فعلا علاج اول حاجة ينطلق من نقطة ايجابية فيها تفاؤل عالي قوي ان كل ده له دواء ما تقلقش. بل له شفاء مش دواء

بس. اتنين خلي بالك ان من انفعهم - 00:27:52

الدعاء. واوعى تقول لي انا عارف الدعاء وايه تاني يا شيخ؟ استنى بس طالما قلت لي ايه تاني يا شيخ يبقى الدعاء عندك مش واضح قوي. تعال هنتكلم معك فيبدأ يتكلّم على مفهوم الدعاء وتفاصيل الدعاء - 00:28:05

فيبيقول ان الدعاء ده في افات. زكرنا بعضها مهم جدا حضور القلب معه. يقول واذا جمع مع الدعاء حضور القلب وجمعيته بكليته على المطلوب وصادف وقتا من اوقات الاجابة ابت السطة وهي الثالث الاخير من الليل. عارفين بقى اما تصحي كده الساعة من يعني من اربعه ونص لغاية الفجر في اي وقت من الاوقات دي - 00:28:18

حتى سبحانه الله كنت اعرف واحد يعني يزيط المنبه في الوقت ده. يقول لي احيانا اكسل ومش قادر اقوم. لكن سبحانه الله! وانا بقف المنبه بتاعي اقول اللهم اغفر لي. اللهم اغفر لي. اللهم تب علي. عشان - 00:28:40

اكون من المستغفرين بالاسحار. فالثالث الاخير من الليل وعند الاذان وبين الاذان والاقامة. عارفين بين الاذان والاقامة؟ بتقع كثير ده مد تسعين الف حركة. من مين؟ من النساء. طبعا الرجال اللي ما بيصلوش برضو في المساجد بتقع منهم. بين - 00:28:54
اذان والاقامة. فوقت بين الاذان والاقامة ده وادبار الصلوات المكتوبة. عارفين اللي هو ايه؟ السلام عليكم ورحمة الله. السلام عليكم ورحمة الله وبركاته. مين ضرب الجرس؟ شف الموبايل كده انت كنت بتزقني في الصلاة انت كنت مش عارف ايه. وحياة الموبايل بص كده شوف لتكون كوري ضربت تنزانيا وبيتصلوا بك عازينك يقول لك هتعمل ايه؟ عشان انت الوحيد اللي معك اللي - 00:29:14

الشنطة النمووية اللي اول ما بتضغط عليها كله بيقف. شف كده ليكون العالم كله مستنيك دلوقتي. يمكن الخلافة هتقوم الخلافة الراسدة وكله بيمن عليك. الحق. انت لسه هتقول كارو مش كفاية ان احنا اتسابنا دي او نسخة خطفنا فيها صلاة المغرب يقول لك تعالى استناني كده هخطف المغرب واجيلك وتخطفه ليه؟ وادبار الصلوات المكتوبات - 00:29:34

يعني بعد الصلوات المكتوبات سمي هنا وقت اجابة الحقه لا والله مشغول دلوقتي كتبه على الصفحة حاجة ومستنيين شير انت اصل انا جات لي وانا في الخاطرة خاطرة يعني ايه خاطرة جات لك وانت بتتصلي؟ لا جات لي كده خاطرة اكتبها على توיתر وانا بصليل ما شاء الله. انت مزيط صلوات الفجر لتويترا والعشاء للفيس والكلام ده - 00:29:54

الكلام ده قبرك مستنيك وادبار الصلوات المكتوبات وعند صعود الامام يوم الجمعة على المنبر حتى تقضي الصلاة وآخر ساعة بعد عصر من ذلك اليوم يعني يوم الجمعة. جربوا يا جماعة اللي نفسه حاجة يكثر من الصلاة على النبي صلى الله عليه وسلم من ليلة الجمعة يعني من الخميس كده للمغرب وانت طالع لمدة اربعة وعشرين ساعة - 00:30:14

دعوات مغرب الجمعة وتيجي من بعد عصر يوم الجمعة من بعد عصر يوم الجمعة انشغل بالدعاء والتركيز والله اني لاعلم اقوام يتعاملون مع وقت الغروب بتاع يوم الجمعة كما يتعامل بعضنا مع وقت غروب يوم عرفة. اعرف - 00:30:34

وناس كده عارفين ان الوقت ده فيه ساعة اجابة. ساعة اجابة سبحانه الله. بيقول بقى لو القلب ده كان بيتحرك وصادف خشوعا في القلب وانكسارا بين يدي رب وزلا له وتضرعا ورقه. لأن الله سبحانه وتعالى يحب منك ان تنكسر - 00:30:54

بين يديه الله يحب منك ان تنكسر بين يديه. كما الله سبحانه وتعالى سطر هذا في كتابه عن ذكريها. وهو ان يذكروا ضعفه اني وهن العظم مني واشتعل الرأس شيئا ولم اكن بدعايتك ربى شقيا. واني خفت الموالي - 00:31:14

من ورائه كانت امرأتي عاقرا فهبا لي من لدنك ولها. تحس ان ذكريها بيشرح نفسه عليه السلام في جلسة بالمحراب لأن الله يحب منك ان ترى ضعفك وتسني بين يدي رب بقوته - 00:31:38

ضعفك. ربنا بيحب منك الجلسة دي. تقول يا رب انا ضايع انا جاهل علمي. انا ضعيف قويني. انا مكسوف اجبرني بالمعاني دي اما تقولها لربنا انا مزلول اعزني يا رب انا تاييه تولاني فده - 00:31:58

عالى قوى عشان كده الاستخاره عاليه قوى ليه انك داخل تقولي فانك تقدر ولا اقدر تعلم ولا اعلم انا رب مش طب انا جاهل انت العالم انا ما اقدرش انت تقبل. فمن الاول جاي مفلس - 00:32:18

والله يا جماعة احيانا مين مين اللي بيصعب عليك البشر كده اللي بيجي لك مفلس وده انه يذكر ايه؟ تفليسه صح؟ بتنكسر حتى لو كان هو مجرم. نقول سبحان الله يعني - 00:32:35

سبحانه والله اسر في صح؟ والله المسلح الاعلى الله يحب منك ان تخلق بخلق الضعفاء لانك ديت وهو ربنا خلقك كده زي ما خلق ادم من طين الله سبحانه وتعالى قال انتم الفقراء. ربنا خلقك فقير - 00:32:45

على فكرة هو تمام العبودية ايه اصلا لما يجي واحد يقول لك يعني ايه العبودية؟ يعني تمام من معاني العبودية والمقاصد العبودية؟ انك مخلوق ناقص. وان العبودية بتكميك. لانك في - 00:33:05

قاضي ربنا خلقك عندك نقص. العبودية قاعدة بقى تكمل النقص ده. فمن النقص ده انك فقير. فلازم تبقى غني. تبقى غني ازاي؟ لازم تكمل الكأس ده الكأس بتاعك ده فيه فقر فاضي تملاه ازاي؟ بمشروب الغنى. ايه هو مشروب الغنى ده بقى؟ انك تقول له يا رب انا ضايع. يا رب انا فقير. قاعد امال تسقي بقى - 00:33:15

وتملى الحاجة دي. فاهمين بتلالي الدنيا جميلة قوي. بيقول بقى لو الانسان وهو بيدعى صادف قلب مركز ومنكسر. ما تخسيش لربنا بشهادتك. بس في بعض الناس وهي قاعدة كده تحس ما شاء الله الدكتورة مي الله اكبر عليها - 00:33:35

دكتورة في الجامعة قاعدة على السجادة تحس ان هي دكتورة كده ودكتورة ما شاء الله عليها يعني رئيسة القسم. قعدت رئيسة قسم وهي قاعدة في ليه؟ هسه رفعة اليد تحس كده رفعة ايد حد كده ايه؟ معبد في جامعة وبيتكلم لفظين ثلاثة كده - 00:33:53

ان الله لا يحب منك هذا. لازم كده يا جماعة تبقى عشان كده من اجمل العبادات اللي كلنا بنتمنى ان احنا نروحها. ونكون فيها عبادة ايه عبادة الحج والعمرة. شوفوا الحج كله الوزير والغفير رئيس القسم عامل القسم كله كله الوزير الغني - 00:34:12

والغفير والغفير وكله لابس ايه؟ والله العزيز لا انسى. طبيب قلب مرة كان معي في الحج. وبعدين آتاخرنا في العمارة فتأخرنا في الطواف. وبعدين بيقول لي اه هو احنا عاززين ننجذ عشان ايه؟ نغير كده ونتحلل. بقول له ليه يا عم ما انت اهو ما - 00:34:32

صح كده؟ قال لي والله العزيز انا حاسس اول مرة في حياتي احس يعني ايه انا نطفة وقل لها حاسس فعلا انا نطفة. بيقول لي مش عارف ليه كده؟ عندي الشعور ده من ساعة من ساعة ما لبسته. وانا حاسس ان انا لا اعلو هذا الامر. رغم ان هو - 00:34:52

وكان يعني ما شاء الله مفتول العضلات آآ وسيم من عليه القوم له مكانة اجتماعية لكن سبحان الله! اللبس ده لك ويلغيك مهما كنت في مني اه فاتصل بي احد الافاضل وقال لي تعال الشيخ عازز يسلم عليك. فرحت قابل - 00:35:09

شيخ هو عالم كبير يعني من علماء الامة يعني. ورحت بقى ايه فطبعا في مزدلفة معزرة والمزدلفة دي وانت طالع من عرفة الناس كلها نامية فعلا لأن ارض المحشر وانت قاعد عمال تخترق حوالي الساعة مسلا عشرة بالليل وسط الناس والدنيا كلها الناس كلها كانك في القبور فعلا كله نايم - 00:35:29

وفين المهم تعبت قوي عشان اوصل بعد ما وصلت لقتي خمسة ستة قاعدين هو منهم الشيخ بس فين الشيخ انا مش شايفه لابس اللبس ولبس الاحرام وانت طبعا شايف بقى انت عارف - 00:35:51

الشيخ عامل ازاي؟ عالم كبير وله سنته وهو بيهم بسمته ما شاء الله عليه. لكن هنا انا مش شايفه لقتيه جنب اه كاوتش عربية نايم واه راسه تحت كاوتش العربية كده ومرمي يعني سبحان الله - 00:36:07

ومشهد لانسانه. تحس كده زي واحد آآ صبي بيصلح السيارة. وطالع وهو بيسلام الضهر كله تراب وشه كله تراب. لكن سبحان الله! لأن خلقة قمر تراها ليلة البدر. فعلا - 00:36:25

بدر في وسط الایه؟ فلما تشوف المعنى ده وتعيش القصة ديت هو سبحان الله هو مزدلفة اللي بيعمل كده. خلاص؟ بيطفي كل حاجة الا ايه؟ الا قلبك يعني بيطفي كل حاجة الا انت. عارفين النجم نجوم بالليل كده - 00:36:45

انت ماشي بالليل بتلالي النجوم منورة في السماء صح؟ اه هي ده مزدلفة بتعمل كده فيك. بتخلி كل الدنيا ضلمة الا النجوم دي تحس ان الناس دي نجوم كده متوزعة كده فين في السماء - 00:37:05

اسأل الله ان لا يحرمني. فابن القيم بيقول لك بقى لو صادف الخشوع ده وانكسار وتضرع وان فيه آآ الدنيا هادية خالص وانك مش

شايف نفسك ولا شايف انك ماسك موبايل بطريقة معينة ولا معاك كاميرا معينة ولا محفظتك بطريقة معينة ولا القصة دي لا لا لا

سبحان الله - 00:37:18

والله الانكسار ده بيخليلك اكتر طاعة في شيخ مشهور جدا سعودي جد كلنا عارفيه كان يوم في ايام الحج ده واقف وقدم اتوبيس حاج وقاعد عمال يوزع عليهم مية. الرجل ما يعرفهمش ولا اي حاجة. ملغي - 00:37:43

في صورة مشهورة جدا للحوزي في برضو وهو ماشي كده في وسط الناس ولا حد عارفه ولا يعني تشووفه كده عاوز تدي له ريال ودقيق ده يعني راجل كالشمس الشهرة. لكن سبحان الله الانكسار ده بقى عشان كده ده احد العطايا - 00:38:01

اللي الناس بتاخدها في الحج والعمرة ان الاستجابات بتيجي. ليه؟ هو جاي مفلس واقف مفلس. وبعللي التضييق اللي بيحصل من الشركات في الحج والعمرة بيكون ده من توفيق الله عليك او من ترتيبات الملك. راحوا لقوا ليه السكن والشمس ويتاع ليه؟ عشان تلغي خالص اي ترفيه بتدور عليه - 00:38:19

ورفاهية بتدور عليها انسى خالص ولذلك قالوا كلمة جميلة جدا اما كسرة الشكوى تشنيع على كرم الضيافة يعني انت جيت عندي البيت وانا عازمك واعمل لك بوفيه مفتوح ومشغل التكيف والدنيا جميلة وبتاع والكلام ده كله. ابني وهو بيقدم لك - 00:38:39

ده التفاح وقعت على ايه؟ على هدومك. كل شوية بقى. وآ وقعه على الجلابية الدافئة بتاعتي. وآ والمية نزلت مش عارف آ في حرف الال في الموبايل فمش عارف عمل لي ايه. وقاعد مش عارف ايه الكلام ده كله. انا انا كواحد بشوفها ايه؟ تشنيع على كرم الضيافة اللي انا بقى لي - 00:38:58

اسبوع اعده لك والله المسل الاعلى. جابك من وسط مليارات عشان تطوف حوالين البيت واحد بقى اصل في واحد افريقي زقني ومش عارف ايه وبتاع الدنيا والخنقة ومش عارف ايه والقصة دي كلها يا حبيبي - 00:39:18

بين كلامك مع المخلوق واما تزوج وابقى قول بقى للشركة انتم ظلمتوني في واحد اتنين ثلاثة اربعة. لكن كسرة الشكوى تشنيع على كرم الضيافة ماشي يقول لك الشيخ شكله عنده شركة سياحة ويروح لنفسه ان ما فيش حد ايه يعلق عليهم. طيب بطلع يعينك. على الفهم ده - 00:39:37

يقول ابن القيم ان الانسان لو صادف قلبه هذا الخشوع سم استقبل الداعي القبلة وكان على طهارة ورفع يده الى الله وبدأ بحمد الله والثناء عليه ثم سن بالصلاحة على النبي صلى الله عليه وسلم. ثم قدم بين يدي حاجته التوبة والاستغفار - 00:39:57

ثم دخل على الله ياه على كلام ابن القيم ده. يقول لك ايه؟ ثم دخل على الله والج عليه في المسألة. والج عليه المسألة يعني ايه الج علي في المسألة؟ يعني قدر ان بعض الناس يقول لك هو الالجاج له علاقة بالتعجب لا. بس اهم حاجة لا توجب على الله شيء. يعني ما تقولوش يا رب - 00:40:17

اب ابني يطلع الاول لأن كان فيه خير ممكن نبني كده يطلع الاول ولما طلع الاول يكفر بالله يقول بس مش يحتاج له في حاجة. ده انا باطلع الاول. اتبسطت؟ اهو. ابتدت تدعى تدعى تدعى وطلع. لانك انت لازم تفوضيه. قلت له يا رب انا دعيت بس انا - 00:40:37

ما فهمتش يا رب انا انا دي امنيتي. بس انا هو انا من امتى اللي بيقى لي امنية اصلا. فانا مفوضك يا رب. انا مفوضك. انا نفسى واحد اتنين ثلاثة اربعة خمسة. وحسن زن - 00:40:57

فيك يا رب انك ستقدر لي هذا ان كان فيه خير لي. بعض الناس انت عامل يقول لك ايه طب انا دعيت بقى انا تزوجت غيبوب بعد ما صليت صلاة استخارة ويعلم ربى استخرت الخطبة وفي كتب الكتاب واستخرت في كل خطوة وبعد اربع سنين والله العظيم شيبيني - 00:41:08

وفي الاخر اتطلقنا. فين بقى نتيجة الاستخارة؟ ما هو نتيجة الاستخارة احيانا بعض الناس لا يدرك انك ربما كنت ترتكب الفاحشة ان لم ترزقي في السنوات الثلاثة الاولى ديت هذا الانسان. لعل ولعل ولعل. كان عندك مشكلة ضخمة لو - 00:41:29

ما حصلتش وان الرجل ده دخل في الحياة كانت ممكن تزوج منه. هو يعلم وانت لا تعلمي. مش انت قلت له كده؟ فانت تعلم ولا

اعلم؟ انت ليه راجعة في انت - 00:41:49

كأنك بتقولوا ايه؟ كأن كأن في بعض الناس كأنهم والعياز بالله بيقولوا له ربنا ايه؟ انا فوست وقلت لك يا رب انك تعلم ولا اعلم بس
للأسف آآ انا كنت اعلم وانا كنت احكم - 00:41:59

وانا وانا والعياز بالله. نسأل الله العفو والعافية من هذه المفاهيم. عشان كده حاول دائمًا تنضف قلبك في كل مرحلة. وتراجعه ثم
دخل الا على الله واللح عليه في المسألة وتملّقه ودعاه رغبة ورهبة. وتسلّم اليه باسمائه وصفاته - 00:42:14

توحيده. شف الكلمة عاملة ازاي بتتوحيده ان ربنا يطلع على قلبك ويعلم وانت بتدعوه ما يرى في القلب انك مفوضه يا
جماعة انك التفويض ده عبادة عظيمة او اي ان ربنا يطلع على قلبك ويرى - 00:42:34

ان في القلب ده تفويض تمام له يسلّمك حاشاه والله ان يرى في القلب التفويض العالي ده ويسلّمك عشان كده اللي بيضبط المنبه يا
جماعة عشان يصحى الفجر. من الحاجات الجميلة جدا اللي هو عاملها - 00:42:50

لو كانت في قلبه طبعا ان الله يرى في قلبه انه حريص على شهود هذه العبادة. وبعددين وانت بتضبط المنبه تبقى بينك وبين نفسك
لو كانت في قلبه طبعا ان الله يرى في قلبه انه حريص على شهود هذه العبادة. وبعددين وانت بتضبط المنبه تبقى بينك وبين نفسك - 00:43:06

هذا التألم الله يحبه. فاهمين؟ يعني في واحد يجي يقول لك انا شيخ متضايق جدا تقول له ليه؟ يقول لك اصل انا زبطة المنبه لصلاة
الفجر. وللأسف ما صحيتش. الرجل ده يا جماعة انت اما تسمع السؤال ده. بترى في ايه في - 00:43:24

انكسار صح ان هو فعلًا مضائق وان هو حزين. هذا الامر يحبه الله. وانك فعلًا اما بتكون صادق في هذا التألم الله يعینك. فابن القيم
يقول ايه بقى؟ وثم دخل على الله واللح عليه بالمسألة ثم وتملّقه ودعاه - 00:43:43

رغبة نورهان. طبعا التملق هنا يقصد الایه؟ الا يقصد المعنى السلبي ولكن المعنى الحسن في يقصد الانكسار. يقصد الذلة يقصد ان هو
يا رب يا رب انا مسكين يا رب انا ضايع يزهراحتياجه ويزهراحبته لربه وهكذا. وتسلّم اليه - 00:44:03

اسمائه وصفاته وتوحيده وقدم بين يدي دعائه صدقة. فاكرين الجملة دي؟ فان هذا الدعاء لا يكاد يرد ابدا. ابن القيم هنا بقى بيحكى
لك لقطة علمية وواقعية يقول لك فان هذا الدعاء لا يكاد يرد ابدا - 00:44:23

لا سيما ان صادف الادعية التي اخبر النبي صلى الله عليه وسلم انها مضنة الاجابة او انها متضمنة للاسم الاعظم. الله اكبر الله سبحانه
وتعالى ان يلهمنا التوفيق ويرزقنا الرضا بقضاءه. اقول قولي هذا واستغفر الله لي ولكم واسأله لي ولكم حسن العمل وحسن -
00:44:42

الخلق وحسن الختام - 00:45:02